

Meeqqat atuarfianni, inuussutissarsiutinut, ilisimatusarfimmi il.il. ilinniartut ilitsoqqussaralugit kalaallisut oqaatsitik atorlugit inaarutaasumik misilitsittarnissaasa allatulluunniit misilitsittarnissaasa qanoq qulakkeerneqarsinnaanera pillugu apeqquaqat aallaavigalugu oqallisissiatut siunnersuut.

(Inatsisartuni ilaasortaq Jens Napätök', Partii Naleraq)

Akissuteqaat

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Inatsisartuni ilaasortaq, Jens Napätök', Partii Naleraq Naalakkersuisut qujaffigerusuppaat meeqqat atuarfianni, inuussutissarsiutinik ilinniartitsinerni, ilisimatusarfimmi il.il. ilinniartut ilitsoqqussaralugit kalaallisut oqaatsitik atorlugit misilitsittarnissaat qulakkeerneqarsinnaanera apeqquaqat aallaavigalugu oqallisissiatut siunnersuutaa pillugu.

Aallarniutigalugu Naalakkersuisut siunnersuuteqartoq isumaqatigalugu oqaatigissavaat tamanna oqaluuserissallugu pingaaruteqartorujussusoq.

Siunnersuuteqartup tunngavilersuutigaa kalaallit oqaasiisa nunatsinni pisortatigoortumik oqaasiuneri, pisortallu ingerlatsineranni ilaatigut ilinniartitsinermi atorneqartussaananerat. Taamaammatt meertartatta inuusuttortattalu ilitsoqqussaralugu kalaallisut oqaasillit pitsaanerpaamik periarfissaqarnissaat aamma qulakkiissavarput. Naalakkersuisut isummamut tassunga isumaqataapput.

Naalakkersuisunit pingartinneqarpoq amerlanerpaat inuussutissarsiutini piginnaangorsaataasumik ilinniagaqarsimanissaat. Taamaammatt aamma nalilersuinermik ineriartortitsinermillu suliniut aallartinneqarsimavoq. Taamatut suliaqarnermi siunertaavoq ilinniartitaanerup aqqissuussamik imminut ataqatigiinnerusumik eqaannerusumillu aallartitsinissamut periarfissaqarnersoq pillugu misissuinissaq. Aqqissuussaq maanna aqqissuussami unammillernartitanik arlalinnik iluarsisinnaassuseqartussaq. Tassani ilaatigut atuartut ilikkagaqarsinnaananerat pitsanngorsaaffigineqarsinnaanersoq misissorneqassaaq, atuartut amerlanerit meeqqat atuarfiannit inuusuttut ilinniarfiini aallartinnissaannut periarfissat misissorneqassapput inuusuttullu ilinniarnermiunitsitsiinnartarnerat pitsaaliorneqassalluni.

Naalakkersuisut siunnersuuteqartoq isumaqatigaat atuartut ilinniartullu ilinniartoqarfitsinni namminneq oqaatsitik atorlugit misilitsinnissamik neqeroorfigineqarsinnaasariaqartut. Tamanna pisinnaavoq misilitsittup, censorip soraarummeersitsisullu misilitsinnermi oqaloqatigiinneranni toqqaannartumik nutserisoqarnikkut. Imaluunniit taaguutit oqaatsillu nalorninartut pineqartillugit misilitsittumut, censorimut soraarummeersitsisumulluunniit oqaatsitigut ilisimasalimmik tapersersortimilluunniit ikiorteqartitsinikkut. Tamanna annertunerusumik ullumikkut pisinnaaareerpoq. Ilinniartoqarfitsinni ullumikkut misilitsittoq

oqaatsitigut qularuteqaleraangami oqaatsitigut arlaatigut ikiorserneqarnissamik neqerooruteqartoqartarpoq.

Teknologi ineriartortuarpoq Internetilu aqutigalugu ilinniagaqarnissamut soraarummeernissamullu periarfissat atuartuutitsinnut ilinniartuutitsinnullu iluaqutaasussatut periarfissaanerat annertusiartorput.

Naggasiullugu Naalackersuisut oqaatigerusuppaat ilinniakkani allani oqaatsinut tunngasuunngitsuni soraarummeernermi siunertaasoq soraarummeertup ilisimasai nalilissallugit oqaatsinillu piginnaasai naliliinermut ilaasassanngimmata. Atuartuutigut ilinniarnernanni ikorfartorniartugit tamatumanga ilinniartoqarfitsinni soraarummeersitsisut censorillu erseqqissaaffigineqartarput.

Naalackersuisuniit taamatut oqaaseqarluta inersuarmi soqutiginartumik oqallittoqarnissaa qilanaaraarput.